

Uunga siunnersuut: Raajanut akitsuutit pillugit Inatsisartut inatsisaata allanngortinneqarneranik Inatsisartut inatsisaat nr. xx, xx 2011-meersoq.

(Akitsuusigassat ilanneeriarlutik allanngortarnerat)

§ 1

Raajanut akitsuutit pillugit Inatsisartut inatsisaanni nr. 20, 25. oktober 1990-imeersumi, Inatsisartut inatsisaatigut nr. 4, 30. november 2009-meersukkut kingullermik allanngortinneqartumi makku allannguutigitinneqarput:

1. § 4-p kingornanut ilanngunneqarpoq:

”§ 4 a. Raajanik tunineqartunik Danmarkimi, Savalimmiuni nunaniluunniit allani apuuffissaannut Kalaallit Nunaanniit assartuinermi aningaasartuutit tunisinermi akigititap naatsorsornerani ilanngunneqanngippata, §§-it 2 imaluunniit 3 naapertorlugit akitsuusigassat aallaavik qaffagiartuaartoq tunngavigalugu naatsorsorneqassapput.

Imm. 2. Raajat akitsuusigassat, umiarsuit Kalaallit Nunaanni nalunaarsorneqarsimasut atorlugit pisarineqartut ukiup sisamararterutaani kingullerni sisamani tunineqarneranni agguaqatigiissillugu kiilumut akiat tunngavigalugu aallaavissaq naatsorsorneqassaaq, tassa tunisinermi aki agguaqatigiissillugu kiilumut 10,70 kr.-iusoq aallaavissatut 100,00-mut angissusilerlugu. Tunisinermi akip 10,70 kr.-init ørimik ataatsimik annerulerneru tamaasa aallaavissaq aaqqiivigineqartassaaq.

Imm. 3. Aallaavissaq 100,0935-inngorpat akitsuut 0,01 procentimut angissusilerneqassaaq, aallaavissallu 0,0935 procentpoint-imik qaffanneri tamaasa 0,01 procentimik qaffattassalluni. Aallaavissaq 100,00-uppat taassumangaluunniit mikineruppat akitsuummik akiliisoqassanngilaq.

Imm. 4. Aallaavissaq 520,5607-iuppat, tassa tunisinermi akip agguaqatigiissillugu kiilumut 55,70 kr.-nip nalingatut, taassumangaluunniit angineruppat akitsuut anginerulerani 45 procentiussaaq.

Imm. 5. § 4, imm. 5-imi 6-imilu aalajangersakkat matumanissaaq atuupput.”

§ 2

Inatsisartut inatsisaat 1. januar 2012-imi atortuulissaaq.

Kalaallit Nunaanni Namminersorlutik Oqartussat, ulloq xx. xxxx 2011

Kuupik Kleist